

IZMJENE I DOPUNE MREŽE ZDRAVSTVENIH USTANOVA NA PODRUČJU KANTONA SARAJEVO

U Mreži zdravstvenih ustanova na području Kantona Sarajevo ("Službene novine Kantona Sarajevo", broj 14/00):

Tačka 1. alineja 2. mijenja se i glasi:

- "JU Apoteke Sarajevo i ugovorne apoteke".

Tačka 1.1. mijenja se i glasi:

"Primarna zdravstvena zaštita u Kantonu Sarajevo organizovana je u okviru djelatnosti Javne ustanove Dom zdravlja Kantona Sarajevo (u daljnjem tekstu: Dom zdravlja), koja ima devet (9) organizacionih jedinica domova zdravlja na području devet (9) općina Kantona.

Primarna zdravstvena zaštita u Domu zdravlja je organizirana kroz rad sljedećih službi: opća medicina, obiteljska/porodična medicina, služba za predškolsku djecu, služba za školsku djecu i omladinu, laboratorijska i radiološka dijagnostika, stomatološku službu kao i pneumoftiziološka zdravstvena služba i higijensko-epidemiološka zdravstvena zaštita.

U Domu zdravlja obiteljska/porodična medicina se organizira u okviru 84 lokaliteta i 212 timova obiteljske medicine, a saglasno Mreži ambulanti porodične/obiteljske medicine u J.U. Dom zdravlja Kantona Sarajevo ("Službene novine Kantona Sarajevo", br. 3/05 i 18/05-ispravka).

Pri organizacionim jedinicama Doma zdravlja funkcioniše i šest (6) Centara za mentalno zdravlje i sedam (7) Centara za fizikalnu medicinu i rehabilitaciju.

Tačka 1. 2. mijenja se i glasi:

"Javna ustanova Apoteke Sarajevo i ugovorne apoteke

Snabdijevanje stanovništva lijekovima u Kantonu Sarajevo u cilju osiguranja građanima jednakih uvjeta, odnosno mogućnosti za korištenje farmaceutskih usluga primarnog nivoa zdravstvene zaštite, obavlja se u skladu sa rasporedom i lokacijama utvrđenim Mrežom farmaceutske djelatnosti-apoteka u Kantonu Sarajevo, ("Službene novine Kantona Sarajevo", broj 24/01)".

Tačka 1. 3. mijenja se i glasi:

"Odlukama Skupštine Kantona Sarajevo preuzeta su osnivačka prava nad slijedećim zavodima:

1. Zavod za javno zdravstvo Kantona Sarajevo
2. JU Zavod za medicinu rada Kantona Sarajevo
3. JU Zavod za hitnu medicinsku pomoć Kantona Sarajevo
4. JU Zavod za zdravstvenu zaštitu žena i materinstva Kantona Sarajevo
5. JU Zavod za zdravstvenu zaštitu zaposlenika Ministarstva unutrašnjih poslova Kantona Sarajevo
6. JU Zavod za sportsku medicinu Kantona Sarajevo
7. JU Kantona Sarajevo Zavod za zaštitu zdravlja studenata Univerziteta u Sarajevu".

Tačka 2. mijenja se i glasi:

"Specijalističko-konsultativna zdravstvena zaštita u javnim zdravstvenim ustanovama sa područja Kantona Sarajevo, organizovana je u Domu zdravlja, zavodima zdravstvene zaštite iz tačke 1.3. ove mreže, Općoj bolnici "Prim. dr. Abdulah Nakaš" i Kliničkom centru Univerziteta u Sarajevu.

Specijalističko-konsultativna stomatološka zdravstvena zaštita pruža se u Domu zdravlja i Stomatološkom fakultetu sa klinikama Univerziteta u Sarajevu (u daljnjem tekstu: Stomatološki fakultet sa klinikama)".

Tačka 3. mijenja se i glasi:

"Do donošenja mreže bolničke zdravstvene zaštite u smislu člana 37. st. 1. i 3. Zakona o zdravstvenoj zaštiti ("Službene novine Federacije BiH", broj 29/97), bolnička zdravstvena zaštita u Kantonu Sarajevo, organizirana je u okviru slijedećih javnih zdravstvenih ustanova:

1. J.U. Opća bolnica "Prim. dr. Abdulah Nakaš" (u daljnjem tekstu: Opća bolnica)
2. J.U. Psihijatrijska bolnica Kantona Sarajevo (u daljnjem tekstu: Psihijatrijska bolnica)
3. J.U. Zavod za alkoholizam i druge toksikomanije Kantona Sarajevo (u daljnjem tekstu: Zavod za alkoholizam)
4. Klinički centar Univerziteta u Sarajevu (u daljnjem tekstu: Klinički centar)".

Tač. 3.1. i 3.3. mijenjaju se i glase:

"3.1. Opća bolnica pruža bolničku zdravstvenu zaštitu sekundarnog nivoa sa ukupnim kapacitetom od 300 bolničkih postelja i to u slijedećim odjeljenjima:

- hirurgije 140 postelja
- interne 60 postelja
- neuropsihijatre 20 postelja
- ginekologije i akušerstva 60 postelja i
- anestezija i intenzivna terapija 20 postelja",

Dosadašnja tačka 3.3. postaje tačka 3.2. i mijenja se i glasi:

"3.2. Psihijatrijska bolnica pruža bolničku zdravstvenu zaštitu sekundarnog nivoa iz oblasti akutne i hronične hospitalizacije psihijatrijskih pacijenata, sa ukupno 70 postelja".

Iza tačke 3.2. dodaje se nova tačka 3.3. koja glasi:

"3.3. Zavod za alkoholizam pruža bolničku zdravstvenu zaštitu sekundarnog i tercijarnog nivoa u postupku liječenja bolesti ovisnosti sa kapacitetom od 10 kreveta.

U Zavodu za alkoholizam je organizovana i dnevna bolnica sa kapacitetom od 30 bolničkih kreveta, kao i Centar za metadonsku terapiju".

Dosadašnja tačka 3.2. postaje tačka 3.4. i mijenja se i glasi:

"3.4. Klinički centar pruža bolničku i kliničko-bolničku zdravstvenu zaštitu sekundarnog i tercijarnog nivoa ukupnog kapaciteta 1870 bolničkih postelja od čega:

I - Hirurške discipline ukupno 673 postelja

- Klinika za neurohirurgiju 42
- Klinika za opštu i abdominalnu hirurgiju 83
- Klinika za urologiju 53
- Klinika za dječiju hirurgiju 40
- Klinika za torakalnu hirurgiju 15
- Klinika za anesteziju i reanimaciju 15
- Klinika za ortopediju i traumatologiju 160
- Klinika za rekonstruktivnu i plastičnu hirurgiju 42
- Klinika za maksilofacijalnu hirurgiju 41
- Klinika za vaskularnu hirurgiju 30
- Klinika za bolesti uha, grla i nosa 60
- Klinika za očne bolesti 52
- Klinika za kardiohirurgiju 11
- Klinika za glandularnu i onkološku hirurgiju 29

II - Interne i Psihijatrijske discipline ukupno 996 postelja

- Institut za vaskularne bolesti 29
- Klinika za hematologiju 56
- Klinika za endokrinologiju 52
- Klinika za gastroenterohepatologiju 45
- Institut za nefrologiju 24
- Klinika za bolesti srca i reumatizma 121
- Klinika za plućne bolesti 107
- Klinika za kožne i venerične bolesti 29
- Klinika za infektivne bolesti 80
- Institut za onkologiju 74
- Psihijatrijska klinika 218
- Neurološka klinika 101
- Institut za fizijatriju i rehabilitaciju-
Centar za paraplegiju 60

III - Disciplina za Ginekologiju i Pedijatriju ukupno 201 postelja

- Klinika za ginekologiju i akušerstvo 102
- Pedijatrijska klinika 99".

Broj 01-05-17232-1/07
14. juna 2007. godine
Sarajevo

Predsjedavajući
Skupštine Kantona Sarajevo
mr. **Denis Zvizdić**, s. r.